

## A Udin l'è endò Suns Europe

Dai 29 de november ai 2 de dezember la 4<sup>a</sup> edizion del Festival de èrts ti lengac mendres: na lingia de evenc te dis e lesc desferenc e la sabeda l concert/contest olache sarà ence Martina Iori

**Evenc de mendranza** - La 4<sup>a</sup> edizion de Suns Europe, l Festival de la èrts ti lengac de mendranza europeans, sarà a Udin dai 29 de november ai 2 de dezember.

L program de l'event, pissà da la cooperativa Informazion Furlana, editora de Radio Onde Furlane, col sostegn economic de l'ARLeF (Agjenzie Regionâl pe Lenghe Furlane), de la Region FVG, del Comun de Udin e de la Fondazione Friul, l'è stat portà dant enstadi dal president de la cooperativa Carli Pup, dal diretor artistich Leo Virgili, da l'assessor de comun Maurizio Franz e dal diretor de l'ARLeF William Csilino.

L'obietif l'è de gran valuta e ambitious, da poder sintetisèr col slogan "Derit al lengaz, derit a la desvalianza", per didèr a fèr sù na Europa unida te la desferenzes, basèda sui deric, sul pluralism, sul respet e la colaborazion. Per chest l'è l patrozinie del Consei d'Europa e de l'NPLD - Network, la rei europeèna per la promozion de la desvalianza linguistica, organism de chel che la responsàbola di Servijes linguistics del Comun general de Fascia Sabrina



*Martina Iori tol pèrt a Suns Europe.*

Rasom é vizepresidenta.

L moment più emportant de la manifestazion l'è semper l gran concert che chest an l'è en sabeda al prum de dezember da les 9 da sera tel teater Nuovo Giovanni da Udine. L sarà bon amò n'outa de maraveèr l publich per la bela musega, l divertiment e l color

de na sera nia scontèda, percheche Suns Europe no l'è n festival del folclor ma na rassegna joena e parusenta, con proponetes artistiches semper ardides e da snait.

Sun paladina sarà da poder aprijèr i patrons de cèsa Luna e un Quarto con sie mix de blues, folk e bluegrass che ge à fat vadagnèr n muie de recognoscimenc, anter chisc ence l pest del publich a Suns Ladinia del 2013 a Moena; apede l'è na lingia de artisè de gran valor: dai Grijons Dario Hess, con sia band che porta dant na sonorità anter l country american e la musega romancia; dai Paljes Catalegn l duo Jansky, n delire de sons e versc originèi con n muie de improvisazion jazz e n stel provocant; da la mendranza svedeisa de la Finlandia Laura Hoo, na artista che va stroz per l'Europa con demò na chitara e n grum de cianzons scempies ma straordenères; da la Galizia Alfonso Espiño, n son che fèsc pissèr senza bazilamenc al beat più sedutif di egn '60; dal Paisc Basco Rodeo, n quartet che mesceida sia potenza sonora coi sons forc e poetics del lengaz basch; dal Galles Yr Osd, na band n muie